

DÉCIMOPRIMEIRA: NATUREZA XURÍDICA

O presente convenio ten carácter administrativo quedando as partes suxeitas á xurisdición dos tribunais contencioso-administrativos para resolver os conflitos que puidesen xurdir na súa aplicación.

DÉCILOSEGUNDA: CAUSAS DE RESOLUCIÓN

Serán causas de resolución do presente convenio:

- O incumprimento das cláusulas do convenio.
- A falta de xustificación das cantidades na forma establecida no convenio.

Faise constar que o presente convenio foi aprobado por Resolución de Presidencia núm. 3421 de data 4 de febreiro de 2021.

E en proba de conformidade, ambas as partes asinan o presente Convenio por cuadruplicado exemplar no lugar e data indicados no encabezamento.

**O PRESIDENTE DA DEPUTACIÓN
PROVINCIAL DA CORUÑA**

**O ALCALDE PRESIDENTE DO CONCELLO DE
CURTIS.**

Asdo.: D. Valentín González Formoso

Asdo.: D. Javier Fco. Caínzos Vázquez

**O SECRETARIO
DA DEPUTACIÓN PROVINCIAL DA CORUÑA**

Asdo. José Luis Almau Supervía



**DEPUTACIÓN PROVINCIAL
A CORUÑA**

SERVICIO DE PATRIMONIO E CONTRATACIÓN



CONCELLO DE CURTIS

Número 36/2021

CONVENIO DE COOPERACIÓN ENTRE A DEPUTACIÓN PROVINCIAL DA CORUÑA E O CONCELLO DE CURTIS PARA INSTRUMENTALIZAR A XESTIÓN DO CENTRO ETNOGRÁFICO DE CURTIS, UBICADO EN TEIXEIRO (CURTIS) NO MARCO DO “PROXECTO MANDEO. POSTA EN VALOR DAS CONCAS FLUVIAIS. 1ª FASE RÍO MANDEO” COFINANCIADO POR FONDOS FEDER, ANO 2021.

Na Coruña, a 16 de abril de 2021.

REUNIDOS

Dunha parte D. Valentín González Formoso, Presidente da Deputación Provincial da Coruña e

Doutra D. Javier Fco. Caínzos Vázquez, Alcalde Presidente do Concello de Curtis

Os comparecentes interveñen no uso das facultades que, por razón dos seus cargos, teñen atribuídas e,

EXPOÑEN

1º.- Que é interese coincidente da Deputación e do Concello promover o desenvolvemento da conca do río Mandeo no ámbito territorial de cada unha das administracións actuais, de acordo cos obxectivos e contidos do proxecto denominado “Mandeo. Posta en valor da conca fluvial. 1ª Fase, río Mandeo” cofinanciado polo Fondo Europeo de Desenvolvemento Rexional, en virtude da Resolución de 13 de xuño de 2008, da Secretaría de Estado de Cooperación Territorial.

2º.- Que unha vez executadas pola Deputación Provincial as obras e instalacións do proxecto emprazadas no termo municipal de Curtis, ambas as institucións coinciden na conveniencia de abrir as canles de cooperación para que no futuro poida a Deputación ceder o uso do Centro Etnográfico ao Concello de Curtis.

3º - Que, coa finalidade de establecer as condicións de cooperación necesarias para a posta en valor deste conxunto etnográfico a Deputación Provincial da Coruña e o Concello de Curtis acordan subscribir o presente convenio, segundo as seguintes

CLÁUSULAS

PRIMEIRA: OBXECTO

O presente convenio ten por obxecto establecer as bases de cooperación entre a Excm. Deputación provincial da Coruña e o Concello de Curtis, NIF P1503200F, para garantir a apertura do Centro Etnográfico de Curtis durante o ano 2021.

SEGUNDA: OBRIGAS DO CONCELLO DE CURTIS

1. O Concello de Curtis achegará o persoal necesario para a atención a visitantes do Centro etnográfico desde o 1 de xaneiro de 2021 ata o 31 de decembro de 2021. O Concello porá en funcionamento o centro e encargárase das visitas que se reciban.
2. O Concello de Curtis comprométese á apertura do centro de acordo cos horarios que se establecen na cláusula QUINTA.

3. O Concello de Curtis organizará visitas ao centro durante o período indicado (12 meses). No marco do presente convenio, o concello organizará como mínimo 2 visitas ao mes, para o que establecerá contactos con colexios, institutos e asociacións do municipio, así como coas demais entidades da conca do Mandeo.
Neste sentido, durante este período o Concello levará un rexistro/libro de visitas ao centro, así como a elaboración dun dossier fotográfico das visitas realizadas.
4. O Concello de Curtis comprométese a facer constar a cooperación da Deputación da Coruña nas actividades obxecto deste convenio.

TERCEIRA: OBRIGAS DA DEPUTACIÓN DA CORUÑA

1. A Deputación da Coruña achegará ao Concello de Curtis a cantidade máxima que se indica na cláusula SEXTA para a contratación do persoal durante o período establecido.
2. A Deputación da Coruña poñerá a disposición do Concello de Curtis material didáctico e promocional e medios técnicos xerados no marco do proxecto Mandeo para o seu uso no centro.
3. Durante a duración deste Convenio, todos os gastos do Centro, excepto os de persoal, serán a cargo da Deputación.

CUARTA: OBRIGAS COMÚNS DA DEPUTACIÓN DA CORUÑA E DO CONCELLO DE CURTIS

- A Deputación da Coruña asume o seguinte compromiso e obriga: “Garantir o correcto estado de conservación das obras e instalacións executadas e polo tanto o cumprimento do artigo 57 do Regulamento (CE) Nº 1083/2006, polo que se establecen as disposicións xerais relativas ao Fondo Europeo de Desenvolvemento Rexional, no referido á invariabilidade das operacións”.

Artigo 57.O Estado membro ou a autoridade de xestión garantirán que unha operación unicamente reteña a contribución dos Fondos se non sofre, antes de transcorridos cinco anos do seu fin, ou antes de tres anos, unha modificación substancial:

- a) *que afecte á súa natureza ou ás súas condicións de execución ou que otorgue a unha empresa ou a un organismo público vantaxes indebidas,e*
- b) *que se derive dun cambio na natureza da propiedade*

- O Concello de Curtis garante a apertura do centro.

QUINTA: ATENCIÓN DE VISITANTES E HORARIO

Os servizos de atención a visitantes e demais actividades deberán prestarse por profesional cualificado, ben con persoal propio do concello ou ben cos correspondentes contratos que realice ao amparo do establecido na Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE y 2014/24/UE, de 26 de febreiro de 2014. En ningún caso o persoal que adscriba o concello ao obxecto do contrato baixo calquera modalidade laboral ou administrativa, suporá creación de relación laboral algunha coa Excma. Deputación provincial da Coruña.

O horario de atención ao publico será como mínimo:

- De Martes a Venres: 10:00 horas a 13:00 horas e de 16:00 h a 19:00 h
- Sábados e Domingos: 10:00 horas a 13:00 horas
- Luns pechado

O centro permanecerá aberto 30 horas á semana, pero por razóns organizativas poderá modificarse o horario.

SEXTA: FINANCIAMENTO

- 1.- A Deputación provincial da Coruña abonará ao Concello de Curtis o importe correspondente ao 100 % dos gastos non cubertos por ingresos da actividade ata un máximo de 24.756,91 € en concepto de prestación do servizo de atención a visitantes do Centro etnográfico entre o 1 de xaneiro ao 31 de decembro do 2021, con cargo á aplicación orzamentaria 0112/3336/22609.

- 2.- No caso de que os gastos xustificadas non cubertos con ingresos da actividade foran superiores, a achega provincial non superará en ningún caso a cantidade indicada na presente cláusula.

SÉTIMA: FORMA DE PAGO

A Deputación Provincial abonará ao Concello de Curtis a achega correspondente a cada anualidade da seguinte maneira:

Efectuaranse 4 pagos trimestrais, polo importe correspondente ao 100 % dos gastos non cubertos por ingresos da actividade, correspondentes ao citado trimestre e correspondentes a períodos vencidos.

Deberá xustificar os gastos trimestralmente. En consecuencia non se efectuará ningún pago por anticipado. Requirirán a presentación de certificación de gastos e ingresos durante o devandito trimestre, expedida polo Secretario co visto e praxe do Alcalde-Presidente do Concello de Curtis.

Acompañarase ademais unha memoria na que se indicarán as actividades realizadas, persoal adscrito aos servizos e informe estatístico de visitantes.

Cada pago requirirá informes favorables dos Servizos de Patrimonio e Contratación e de Fiscalización.

Para a cobranza de cada unha das achegas provinciais, o Concello de Curtis deberá presentar certificación de estar ao corrente das obrigacións tributarias e de seguridade social.

Así mesmo deberá estar ao corrente das súas obrigacións fiscais coa Deputación provincial da Coruña, situación de que se determinará de oficio a través do Servizo Provincial de Recadación.

O Concello deberá presentar unha certificación dos ingresos producidos por achegas de entidades públicas ou privadas, se os houbese.

O importe da achega da Deputación provincial da Coruña, en concorrencia con outros ingresos non poderá superar o importe total dos gastos realizados.

OITAVA: SUPERVISIÓN POLA DEPUTACIÓN

Sen prexuízo das facultades de vixilancia e inspección que corresponden á Presidencia da Deputación Provincial, o Servizo de Patrimonio e Contratación, por si ou a través doutros Servizos Técnicos da Deputación, poderá inspeccionar en calquera momento o estado do inmovible e bens adscritos, e o cumprimento dos fins do presente convenio.

NOVENA: UTILIZACIÓN POLA DEPUTACIÓN

O inmovible seguirá sendo propiedade da Excma. Deputación provincial da Coruña e en consecuencia poderá realizar as actividades que estime oportunas.

DÉCIMA: VIXENCIA

1.O prazo de vixencia do presente convenio esténdese dende o 1 de xaneiro de 2021 e finalizará o 31 de marzo do 2022.

2.As actividades se realizaran, aos efectos de imputación dos gastos, entre o 1 de xaneiro ao 31 de decembro do 2021, e terán que estar xustificadas un mes antes do vencemento do período de vixencia do convenio.

3.Esta vixencia queda subordinada á existencia do crédito adecuado e suficiente no correspondente exercicio orzamentario.